

**ODLUKU
O PRESTANKU STATUSA NEPOKRETNOSTI U OPĆOJ
UPOTREBI**

Član 1.

Utvrđuje se da je izgubilo status nepokretnosti u općoj upotrebi zemljište označeno kao:

- k.č. br. 3102/96, zvn "STRIZEVAC", nekategorisani put u površini 119 m² upisano u ZK ulošku 86 K.o. Presjenica.

Član 2.

U zemljišnim knjigama Općinskog suda u Sarajevu, brisat će se upis nepokretnosti dobro u općoj upotrebi-putevi iz člana 1. ove odluke i isto će biti upisano sa pravom vlasništva na ime Općina Trnovo, sa dijelom 1/1.

Član 3.

Ova odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3435/22

19. septembra 2022. godine
Trnovo

Predsjedavajuća

Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 14.09.2022. godine.

Na osnovu člana 363. stav (3) tačke 5. Zakona o stvarnim pravima ("Službene novine Federacije BiH", broj 66/13 i 100/13) i člana 24. Statuta Općine Trnovo ("Službene novine Kantona Sarajevo", broj 12/08), Općinsko Vijeće Trnovo na 11. sjednici održanoj 19.09.2022. godine, donosi

**ODLUKU
O NEPOSREDNOJ POGODBI ZA PRODAJU
NEIZGRAĐENOG GRAĐEVINSKOG ZEMLJIŠTA**

Član 1.

Odobrava se prodaja neposrednom pogodbom neizgrađenog građevinskog zemljišta KJP ZOI' 84 olimpijski centar Sarajevo d.o.o. Sarajevo, Alipašina b.b., (u daljnjem tekstu: Kupac) označeno kao k.č. broj 3102/95 površine 161 m² i k.č. broj 3102/96 površine 119 m² K.o. Presjenica za oblikovanje građevinske čestice radi izgradnje garaže za smještaj korpi šestosjedne isklopive žičare.

Član 2.

Prodajom neizgrađenog građevinskog zemljišta oblikuje se građevinska čestica koja se sastoji od zemljišta u vlasništvu Općine Trnovo i ostatak zemljišta u vlasništvu Kupca.

Član 3.

Ukupna površina lokacije koja se prodaje je 280 m².

Namjena zemljišta: Garaža za smještaj korpi šestosjedne isklopive žičare.

Član 4.

Za neizgrađeno građevinsko zemljište iz tačke 1. ove Odluke, Kupac je dužan uplatiti iznos od 35.000,00 KM što iznosi 125,00 KM/m².

Član 5.

Kapara koju je kupac dužan platiti utvrđuje se u iznosu od 10% od početne prodajne cijene nekretnine iz člana 1. ove

odluke i iznosi 3.500,00 KM i ista se uplaćuje prije zaključivanja ugovora o kupoprodaji.

U slučaju odustajanja od zaključivanja kupoprodajnog ugovora, kupac nema pravo na povrat uplaćene kapare.

Član 6.

Ovlašćuje se općinski načelnik da sa kupcem zaključi ugovor o kupoprodaji u formi notarski obrađene isprave u roku od 7 dana od dana pribavljanja pozitivnog mišljenja Pravobranilaštva.

Član 7.

Troškove notarske obrade kupoprodajnog ugovora, poreza na promet nekretnina i troškove upisa snosi kupac.

Član 8.

Kupac je dužan kupoprodajnu cijenu za neizgrađeno građevinsko zemljište uplatiti u roku od 30 dana od dana zaključenja kupoprodajnog ugovora. Ukoliko kupac u naznačenom roku ne plati ugovorenu kupoprodajnu cijenu, smatrat će se da je jednostrano raskinuo kupoprodajni ugovor.

Kupac se ne može uknjižiti kao vlasnik i posjednik nekretnina dok ne uplati kupoprodajnu cijenu za neizgrađeno građevinsko zemljište.

Član 9.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-3441/22

20. septembra 2022. godine
Trnovo

Predsjedavajuća

Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 20.09.2022. godine

Na osnovu člana 90. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15 i 104/16) i člana 10. Odluke o izvršavanju Budžeta općine Trnovo za 2022. godinu ("Službene novine Kantona Sarajevo", br. 2/2022), Općinsko vijeće Trnovo na 11. sjednici održanoj dana 19.09.2022. usvojilo je

**IZVJEŠTAJ
O IZVRŠENJU BUDŽETA OPĆINE TRNOVO ZA
PERIOD 01.01.2022. DO 30.06.2022. GODINE**

Budžet Općine Trnovo za period 01.01.2022. do 30.06.2022. godine izvršen je:

	PLANIRANO	IZVRŠENO	%
I – UKUPNI PRIHODI	12.429.215,75	3.910.377,76	31,46
II- KAPITALNI PRIMICI	677.339,86	1.090,00	0,16
III-VIŠAK PRIHODA IZ PRETHODNIH GODINA	12.642.932,17	12.642.932,17	100,00
UKUPNO PRIHODI, PRIMICI I PRENEŠENA SREDSTVA	25.749.487,78	16.554.399,93	64,29
IV – RASHODI	9.228.098,68	2.658.216,94	28,81
V - KAPITALNI IZDACI	16.371.389,10	5.784.094,11	35,33
VI - TEKUĆA REZERVA	150.000,00	31.750,00	21,17
UKUPNO RASHODI, IZDACI I REZERVA	25.749.487,78	8.474.061,05	32,91
VIŠAK PRIHODA 30.06.2022.		8.080.338,88	